

АПАК

То ппанлибе си айрияни фъртуна.
То мангло азири сулухи пахоме.
Сар уряниял тай кондингян свободно!
Коряркарес те лалеса - ккамипе!
Лебединес!
Дислин, вастестар би долди, девлани!
Лебединес!

На просинес шундипе, ертисарин,
ни па мангес дром, дерявани треска.
Храпсин ччивди палпалуно дром.

Е дехимен - дехес жи делипнасте.
Беринес лен састе дошале лискатар,
бланаво секодйесипе, дйес зелено, дили
илюзия, керки мол - ттудеса магия чучятар,
цицелин куртулуши дес састе гурворес...

Генес о диеса, денединес тетикеса
те ппувяле ттанесте аракк tipe.
Дур алъндипнастар-идилия, сави
о трушул ангали дел катар о памти век.

Диккен те асан туке дек «шукарипена»,
ама ленгере сацимняле балоня
ппарювен, урян дуредер.

Лел палал и Юма састо бенгипе, цицелутни
балвал, чар-чаряримнаске ашал о бакроре,
бакря, бузня, саве чарьовен-чар...

Тай анди миморин манген те момиринен тут,
сар мумия те ровен туке, та-те ччинен тут катар
о кашторо - емиши гудло.

Хрисимо - хлъзгонес тут дислин-юзерни.
Кориба ертисарес, гъндес билачче катар о
ккойняло МЕ...
Тай неве мирикле инзарес ан о вигниес,
ан о дибя дерявне ашал и Апак чачутни,
вариенца МЕ! Апак! Лебединес! Апак!

